



百衲本

宋史

元·脫脫等撰

5

國家圖書館出版社





百衲本

宋史

元·脫脫等撰

5

國家圖書館出版社



列傳卷第一

宋史二百四十二

開禧舊司舊釐國畫事畫表相穆國史領經進事都總親脫等奉
穆

后妃上

太祖母昭憲杜太后

太祖孝惠賀皇后

孝章宋皇后

太宗淑德尹皇后

明德李皇后

真宗章懷潘皇后

章獻明肅劉皇后

楊淑妃

仁宗郭皇后

張貴妃

周貴妃

馮賢妃

英宗宣仁聖烈高皇后

周人尊祖之詩曰厥初生民時維姜嫄蓋推本后稷之所自出以為王跡之所由基也宋之興雖由先世積累然至宣祖功業始大昭憲杜后實生太祖太宗

孝明王皇后

懿德符皇后

元德李皇后

章穆郭皇后

李宸妃

沈貴妃

慈聖光獻曹皇后

苗貴妃

楊德妃

宋史二百四十二
宋史列傳卷第一
一 楊 德 賢 賢

內助之賢母範之正蓋有以開宋世之基業者焉觀

其訓太祖以無逸治天下至於豫定太宗神器之傳

為宗社慮蓋益遠矣厥後慈聖光獻曹后擁佑兩朝

宣仁聖烈高后垂簾聽政而有元祐之治南渡而后

若高宗之以母道事隆祐孝宗奉明慈怡愉之樂皆

足以為百王法程宋三百餘年外無漢王氏之患內

無唐武韋之禍豈不卓然而可尚哉昭憲垂裕之功

至是茂矣舊史稱昭憲性嚴毅有禮法易之家人上

九曰有孚威如終吉其是之謂歟作后妃傳

太祖母昭憲杜太后定州安喜人也父爽贈太師母

范氏生五子三女太后居長既笄歸于宣祖治家嚴

毅有禮法生邕王光濟太祖太宗秦王廷美楚王光

贊燕國陳國二長公主周顯德中太祖為定國軍節

度使封南陽郡太夫人及太祖自陳橋還京師人走

報太后曰點檢已作天子太后曰吾兒素有大志今

果然太祖即位尊為皇太后太祖拜太后於堂上眾

皆賀太后愀然不樂左右進曰臣聞母以子貴今子

為天子胡為不樂太后曰吾聞為君難天子置身兆

庶之上若治得其道則此位可尊苟或失馭求為匹

夫不可得是吾所以憂也太祖再拜曰謹受教建隆

宋史二百四十二
宋史列傳卷第一
二 王 楊 德 賢 賢

二年太后不豫太祖侍藥餌不離左右疾亟召趙普入受遺命太后因問太祖曰汝知所以得天下乎太祖鳴噎不能對太后固問之太祖曰臣所以得天下者皆祖考及太后之積慶也太后曰不然正由周世宗使幼兒主天下耳使周氏有長君天下豈為汝有乎汝百歲後當傳位于汝弟四海至廣萬幾至眾能立長君社稷之福也太祖頓首泣曰敢不如教太后顧謂趙普曰尔同記吾言不可違也命普於榻前為約誓書普於紙尾書臣普書藏之金匱命謹密宮人掌之太后崩于滋德殿年六十謚曰明憲葬安陵神

宋史二百四十二 宋史列傳卷第一 三十一 湯惠 惠 例

主祔享太廟乾德二年更謚昭憲合祔安陵

太祖孝惠賀皇后開封人右千牛衛率府率景思長女也性溫柔恭順動以禮法景思常為軍校與宣祖同居護聖營晉開運初宣祖為太祖聘焉周顯德三年太祖為定國軍節度使封會稽郡夫人生秦國晉國二公主魏王德昭五年寢疾薨年三十建隆三年四月詔追冊為皇后乾德二年三月有司上謚曰孝惠四月葬安陵西北神主享于別廟神宗時與孝章淑德章懷並祔太廟
孝明王皇后邠州新平人彰德軍節度饒第三女孝

惠崩周顯德五年太祖為殿前都點檢聘后為繼室后恭勤不懈仁慈御下周世宗賜冠帔封琅邪郡夫人太祖即位建隆元年八月冊為皇后常服寬衣佐御膳善彈箏鼓琴長起誦佛書事杜太后得驪心生子女三人皆夭乾德元年十二月崩年二十二有司上謚翰林學士實儀撰哀冊文二年四月葬安陵之北神主享于別廟太平興國二年祔享太廟

孝章宋皇后河南洛陽人左衛上將軍偓之長女也母漢永寧公主后幼時隨母入見周太祖賜冠帔乾德五年太祖召見復賜冠帔時偓任華州節度后隨母歸鎮孝明后崩復隨母來賀長春節開寶二年二月遂納入宮為皇后年十七性柔順好禮每帝視朝退常具冠帔候接佐御饌太祖崩號開寶皇后太平興國二年居西宮雍熙四年移居東宮至道元年四月崩年四十四有司上謚權殯魯濟佛舍三年正月

宋史二百四十二 宋史列傳卷第一 四十一 湯惠 惠 例

祔葬永昌陵北命吏部侍郎李至撰哀冊文神主享于別廟神宗時升祔太廟
太宗淑德尹皇后相州鄴人滁州刺史廷勛之女兄崇珂保信軍節度太宗在周時娶焉早薨及帝即位詔追冊為皇后并謚葬孝明陵西北神主享于別廟

後升祔太廟

懿德符皇后陳州宛丘人魏王彥卿第六女也周顯德中歸太宗建隆初封汝南郡夫人進封楚國夫人太宗封晉王改越國開寶八年薨年三十四葬安陵西北帝即位追冊為皇后謚懿德享于別廟至道三年十一月詔有司議太宗配宰相請以右配詔從之奉神主升祔太廟后姊周世宗后也淳化四年殂

明德李皇后潞州上黨人淄州刺史慶耘第二女開寶中太祖為太宗聘為妃既納幣會太祖崩至太平

興國三年始入宮年十九雍熙元年十二月詔立為

皇后后性恭謹莊肅撫育諸子及嬪御甚厚嘗生皇

子不育至道二年封后嫡母吳氏為衛國太夫人後

改封楚國及封右母陳氏為韓國太夫人太宗崩真

宗即位至道三年四月尊后為皇太后居西宮嘉慶

殿咸平二年宰相請別建宮立名從之四年宮成移

居之仍上宮名曰萬安景德元年崩年四十五謚明

德權殯沙臺三年十月祔葬永熙陵禮官請以懿德

宋史列傳卷第一 五 德 州

夫人生皇女二人皆早亡次生楚王元佐妃嘗夢日

輪過已以裙承之光耀遍體驚而悟遂生真宗太平

興國二年薨年三十四真宗即位追封賢妃又進上

尊號為皇太后有司上謚曰元德咸平三年祔葬永

熙陵以中書侍郎平章事李沆為園陵使車駕詣普

安院攢宮素服行禮拜伏鳴咽命駕部郎中知制誥

梁周翰撰哀冊神主祔別廟大中祥符元年追贈后

父英檢校太尉安國軍節度常山郡王母魏國太夫

人大中祥符三年禮官趙湘請以后祔太宗廟室真

宗曰此重事也俟令禮官議之六年秋宰相王旦與

群臣表請后尊號中去太字升祔太廟明德之次從

之

真宗章懷潘皇后大名人忠武軍節度美第八女真

宗在韓邸太宗為聘之封莒國夫人端拱二年五月

薨年二十二真宗即位追冊為皇后謚莊懷葬永昌

陵之側陵名保恭神主享于別廟舊制后謚冠以帝

謚慶曆中禮官言孝字連太祖謚德字連太宗謚遂

改莊為章以連真宗謚云

章穆郭皇后太原人宣徽南院使守文第二女淳化

四年真宗在襄邸太宗為聘之封魯國夫人進封秦

宋史列傳卷第一 六 德 州

國真宗嗣位立為皇后景德四年從幸西京還以疾崩年三十二后謙約惠下性惡奢靡族屬入謁禁中服飾華侈必加戒勗有以家事求言於上者后終不許兄子出嫁以貧欲析恩賚但出裝具給之上尤加禮重及崩上深嗟悼禮官奏皇帝七日釋服特詔增至十三日太常上謚曰莊穆靈駕發引命翰林學士楊億撰哀冊葬永熙陵之西北神主享于別廟以后弟崇儀副使崇仁為莊宅使康州刺史姪承慶承壽皆遷官大中祥符中封后母高唐郡太夫人梁氏萊國太夫人仁宗即位升祔真宗廟室改謚章穆

宋史二百四十二

宋史列傳卷第一

七

唐

德

宮

章獻明肅劉皇后其先家太原後徙益州為華陽人祖延慶在晉漢間為右驍衛大將軍父通虎捷都指揮使嘉州刺史從征太原道卒后通第二女也初母龐臺月入懷已而有娠遂生后后在襁褓而孤鞠於外氏善播穀蜀人龔羨者以鍛銀為業攜之入京師后年十五入襄邸王乳母秦國夫人性嚴整因為太宗言之令王斥去王不得已置之王宮指使張耆家為兄弟改姓劉大中祥符中為修儀進德妃自意穆崩真宗欲立為皇后大臣多以為不可帝卒立之李

宋史二百四十三

宋史列傳卷第一

八

唐

宮

宸妃生仁宗后以為己子與楊淑妃撫視甚至后性警悟曉書史聞朝廷事能記其本末真宗退朝闕天下封奏多至中夜后皆預聞宮闈事有問輒傳引故實以對天禧四年帝久疾居宮中事多決於后宰相寇準密議奏請皇太子監國以謀泄罷相用丁謂代之既而入內都知周懷政謀廢后殺謂復用準以輔太子客省使楊崇勳內殿承制楊懷吉詣謂告謂夜乘犢車挾崇勳懷吉造樞密使曹利用謀明日誅懷政貶準衛州司馬於是詔皇太子開資善堂引大臣決天下事后裁制於內真宗崩遺詔尊后為皇太后軍國重事權取處分謂等請太后御別殿太后遣張景宗雷允恭諭曰皇帝視事當朝夕在側何須別御一殿於是請帝與太后五日一御承明殿帝位左太后位右垂簾決事議已定太后忽出手書第欲禁中閱章奏遇大事即召對輔臣其謀出於丁謂非太后意也謂既貶馮拯等三上奏請如初議帝亦以為言於是始同御承明殿百官表賀太后哀慟有司請制令稱吾以生日為長寧節出入御大安輦鳴鞭侍衛如乘輿令天下避太后父諱群臣上尊號曰應元崇德仁壽慈聖太后御文德殿受冊天聖五年正旦太

后御會慶殿群臣及契丹使者班廷中帝再拜跪上壽是歲郊祀前出手書諭百官毋請加尊號禮成帝率百官恭謝如元日七年冬至天子又率百官上壽范仲淹力言其非不聽九月詔長寧節百官賜衣天下賜宴皆如乾元節明道元年冬至復御文德殿有司陳黃麾仗設官架登歌二舞明年帝親耕籍田太后亦謁太廟乘玉輅服禕衣九龍花釵冠齋于廟質明服衮衣十章減宗疊藻去劍冠儀天前後垂珠翠十旒薦獻七室皇太妃亞獻皇后終獻加上尊號曰應天齊聖顯功崇德慈仁保壽太后是歲崩年六十

宋史列傳卷第一 九 楊 德 亨

五謚曰章獻明肅葬于未定陵之西北舊制皇后皆二謚稱制加四謚自后始追贈三世皆至太師尚書令兼中書令父封魏王初仁宗即位尚少太后稱制雖政出官闈而號令嚴明恩威加天下左右近習亦少所假借官掖間未嘗妄改作內外賜與有節柴氏李氏二公主入見猶服髮髻太后曰姑老矣命左右賜以珠璣帕首時潤王元份婦安國夫人李氏老髮且落見太后亦請帕首太后曰大長公主太宗皇帝女先帝諸妹也若趙家老婦寧可比耶舊賜大臣茶有龍鳳飾太后曰此豈人臣可得命有司別製入香

京擬以賜之賜族人御食必易以鉅器曰尚方器勿使入吾家也常服絁繡練裙侍者見仁宗左右替珥珍麗欲效之太后戒曰彼皇帝嬪御飾也汝安得學先是小臣方仲弓上書請依武后故事立劉氏廟而程琳亦獻武后臨朝圖后擲其書于地曰吾不作此負祖宗事有漕臣劉綽者自京西還言在庾有出贖糧千餘斛乞付三司后問曰卿識王曾張知白呂夷簡魯宗道乎此四人豈因獻羨餘進哉后稱制凡十一年自仁宗即位乃諭輔臣曰皇帝聽斷之暇宜詔名儒講習經史以輔其德於是設懋崇政殿之西廡

宋史列傳卷第一 十 楊 德 亨

而日命近臣侍講讀丁謂曹利用既以侮權貶竄而天下惕然畏之晚稍進外家任內宮羅崇勳江德明等訪外事崇勳等以此勢傾中外兄弟從德死姻戚門人廝役拜官者數十人御史曹脩古楊偕郭勸段少連論奏太后悉逐之太后保護帝既盡力而仁宗所以奉太后亦其備上春秋長猶不知為宸妃所出終太后之世無毫髮間隙焉及不豫帝為大赦悉召天下醫者馳傳詣京師諸嘗為太后謫者皆內徙死者復其官其後言者多追詆太后時事范仲淹以為言上曰此朕所不忍聞也下詔戒中外毋輒言於是

恭寧章節度使錢惟演請以章獻章懿與章穆並祔
真宗室詔三省與禮院議皆以謂章穆皇后位崇中
壺已祔真宗廟室自協一帝一后之文章獻明肅處
坤元之尊章懿感日符之貴功德莫與為比謂宜崇
建新廟同殿異室歲時薦饗一用太廟之儀仍別立
廟名以崇世享翰林學士馮元等請以奉慈為名詔
依慶曆五年禮院言章獻章懿二后請遵國朝懿德
明德元德三后同祔太宗廟室故事遷祔真宗廟詔
兩制議翰林學士王堯臣等議請遷二后祔序於章穆之
次從之

宋史二百四十二

宋史列傳卷第一

十一

楊德判

李宸妃杭州人也祖延嗣仕錢氏為金華縣主簿父
仁德終左班殿直初入宮為章獻太后侍兒莊重寡
言真宗以為司寢既有娠從帝臨砌臺玉釵墜妃惡
之帝心卜釵完當為男子左右取以進釵果不毀帝
甚喜已而生仁宗封崇陽縣君復生一女不育進才
人後為婉儀仁宗即位為順容從守永定陵章獻太
后使劉美張懷德為訪其親屬得其弟用和補三班
奉職初仁宗在襁褓章獻以為己子使楊淑妃保視
之仁宗即位妃嘿處先朝嬪御中未嘗自異人畏太
后亦無敢言者終太后世仁宗不自知為妃所出也

明道元年疾革進位宸妃薨年四十六初章獻太后
欲以宮人禮治喪於外丞相呂夷簡奏禮宜從厚太
后遽引帝起有頃獨坐簾下召夷簡問曰一宮人死
相公云云何歟夷簡曰臣待罪宰相事無內外無不
當預太后怒曰相公欲離間吾母子耶夷簡從容對
曰陛下不以劉氏為念臣不敢言尚念劉氏則喪禮
宜從厚太后悟遽曰宮人李宸妃也且奈何夷簡乃
請治喪用一品禮殯洪福院夷簡又謂入內都知羅
崇勳曰宸妃當以右服殮用水銀實棺異時勿謂夷
簡未嘗道及崇勳如其言後章獻太后崩燕王為仁
宗言陛下乃李宸妃所生妃死以非命仁宗號慟頓
毀不視朝累日下哀痛之詔自責尊宸妃為皇太后
謚莊懿幸洪福寺祭告易梓宮親哭視之妃玉色如
生冠服如皇太后以水銀養之故不壞仁宗嘆曰人
言其可信哉遇劉氏加厚陪葬求定陵廟曰奉慈又
即景靈宮建神御殿曰廣孝慶曆中改謚章懿升祔
太廟拜用和為彰信軍節度使檢校侍中寵賚甚渥
既而追念不已顧無以厚其家乃以福康公主下嫁
用和之子璋

宋史二百四十二

宋史列傳卷第一

十一

楊德判

楊淑妃益州郫人祖瑀父知儼知儼弟知信隸禁軍

為天武副指揮使妃年十二入皇子宮真宗即位拜才人又拜婕妤進婉儀仍詔婉儀升從一品位昭儀上帝東封西祀凡巡幸皆從章獻太后為脩儀妃與之位幾埒而妃通敏有智思奉順章獻無所忤章獻親愛之故妃雖貴幸終不以為已間後加淑妃真宗崩遺制以為皇太后始仁宗在乳褕章獻使妃護視凡起居飲食必與之俱所以擁佑扶持恩意勤備及帝即位嘗召其姪永德見禁中欲授以諸司副使妃辭曰小兒豈勝大恩小官可也更命為右侍禁章獻遺誥尊為皇太后居宮中與皇帝同議軍國事閤門

宋史列傳卷第一

十一

黃英 別

節度使知信子景宗見外戚傳沈貴妃宰相倫之孫父繼宗光祿少卿大中祥符初以將相家子被選初為才人歷美人婕妤充媛至德妃為人淑儉不華帝亦以妃家世故待之異眾長秋虛位帝欲立之有從中沮之者不果嘉祐末進貴妃熙寧九年薨年八十三許出殯其家車駕臨真輟視朝三日謚昭靜仁宗郭皇后其先應州金城人平盧軍節度使崇之孫也天聖二年立為皇后初帝寵張美人欲以為后章獻太后難之后既立而頗見踈其後尚美人楊美人俱幸數與后忿爭一日尚氏於上前有侵后語后不勝忿批其頰上自起救之誤批上頸上大怒入內都知閤文應因與上謀廢后且勸帝以爪痕示執政上以示呂夷簡且告之故夷簡亦以前罷相怒后乃曰古亦有之右遂廢詔封為淨妃玉京冲妙仙師賜名清悟居長樂宮於是中丞孔道輔諫官御史范仲淹段少連等十人伏閣言后無過不可廢道輔等俱被黜責景祐元年出居瑤華宮而尚美人亦廢於洞真宮入道楊美人別宅安置又賜右號金庭教主冲靜元師後帝頗念之遣使存問賜以樂府后和荅之

宋史列傳卷第一

十四

黃英 別

辭甚愴惋帝嘗密令召入后曰若再見召者須百官立班受冊方可屬小疾遣文應挾醫診視數日乃言后暴薨中外疑閻文應進毒而不得其實上深悼之追復皇后而停謚冊祔廟之禮

慈聖光獻曹皇后真定人樞密使周武惠王彬之孫也明道二年郭后廢詔聘入宮景祐元年九月冊為皇后性慈儉重稼穡常於禁苑種穀親蚕善飛帛書慶曆八年閏正月帝將以望夕再張燈后諫止後三日衛卒數人作亂夜越屋叩寢殿后方侍帝聞變遽起帝欲出后閉閣擁持趣呼都知王守忠使引兵入

宋史二百四十二 宋史列傳卷第一 十五 楊惠 楊惠

賊傷官嬪殿下聲徹帝所宦者以乳嫗歐小女子給奏后叱之曰賊在近殺人敢妄言耶后度賊必縱火陰遣人挈水踵其後果舉炬焚簾水隨滅之是夕所遣宦侍后皆親剪其髮諭之曰明日行賞用是為驗故爭盡死力賊即禽滅閣內妾與卒亂當誅祈哀幸姬姬言之帝貸其死后具衣冠見請論如法曰不如是無以肅清禁掖帝命坐后不可立請移數刻卒誅之張妃怙寵上僭欲假后盖出游帝使自來請后與之無靳色妃喜還以告帝曰國家文物儀章上下有秩汝張之而出外廷不汝置妃不懌而輟英宗方四

歲育禁中后拊鞠周盡迨入為嗣子贊策居多帝夜暴疾崩后悉歛諸門鑰寘於前召皇子入及明宰臣韓琦等至奉英宗即位尊后為皇太后帝感疾請權同處分軍國事御內東門小殿聽政大臣日奏事有疑未決者則曰公輩更議之未嘗出已意頗涉經史

多授以決事中外章奏日數十一能紀綱要檢柅曹氏及左右臣僕毫分不以假借官省肅然明年夏帝疾益愈即命撤簾還政帝持書久不下及秋始行之教有司崇峻典禮以弟侂同中書門下平章事神宗立尊為太皇太后名宮曰慶壽帝致極誠孝所以

宋史二百四十二 宋史列傳卷第一 十六 楊惠 楊惠

承迎娛悅無所不盡從行登翫每先後策掖后亦慈愛天至或退朝稍晚必自至屏展候曠間親持饌飲以食帝外家男子舊毋得入謁后春秋高侂亦老帝數言宜使入見輒不許他日侂侍帝帝復為請乃許之因偕詣后閣少馬帝先起若令侂得伸親親意后遽曰此非汝所當得留趣遣出晚得水疾侍醫莫能治元豐二年冬疾甚帝視疾寢門衣不解帶旬日崩年六十四帝推恩曹氏拜侂中書令進官者四十餘人初王安石當國變亂舊章后乘間語神宗謂祖宗法度不宜輕改熙寧宗祀前數日帝至后所后曰吾

昔聞民間疾苦必以告仁宗因赦行之今亦當尔帝曰今無他事右曰吾聞民間甚苦青苗助役宜罷之安石誠有才學然怨之者甚衆帝欲愛惜保全之不若暫出之於外帝悚聽垂欲止復為安石所持遂不果帝嘗有意於燕薊已與大臣定議乃詣慶壽宮白其事右曰儲蓄賜予備乎鎧仗士卒精乎帝曰固已辦之矣右曰事體至大吉凶悔吝生乎動得之不過南面受賀而已萬一不諧則生靈所係未易以言苟可取之太祖太宗收復久矣何待今日帝曰敢不受教蘇軾以詩得罪下御史獄人以為必死右達豫中

宋史列傳卷第一 十七 湯惠 字三百九十六

聞之謂帝曰嘗憶仁宗以制科得軾兄弟喜曰吾為子孫得兩宰相今聞軾以作詩繫獄得非仇人中傷之乎搢至於詩其過微矣吾疾勢已篤不可以冤濫致傷中和宜熟察之帝涕泣軾由此得免及崩帝哀慕毀瘠殆不勝喪有司上謚于永昭陵

張貴妃河南永安人也祖頴進士第終建平令父堯封亦舉進士為石州推官卒時堯封兄堯佐補蜀官堯封妻錢氏求挈孤幼隨之官堯佐不收恤以道遠辭妃幼無依錢氏遂納于章惠皇后宮寢長得幸有盛寵妃巧慧多智數善承迎勢動中外慶曆元年封

清河郡君歲中為才人遷修媛忽被疾曰妾姿薄不勝寵名願為美人許之皇祐初進貴妃後五年薨年三十一仁宗哀悼之追冊為皇后謚温成追封堯封清河郡王謚景思而堯佐因緣倖致位通顯云苗貴妃開封人父繼宗母許先為仁宗乳保出嫁繼宗帝登位得復通籍妃以容德入侍生唐王昕福康公主封仁壽郡君拜才人昭容德妃英宗育於禁中妃擁佑頗有恩既踐阼疇其前勞進貴妃贈其父至太師吳國公母陳楚國夫人福康下嫁當地恩外家抑不肯言元祐六年薨年六十九哲宗輟朝出奠發

宋史列傳卷第一 十八 湯惠 字三百九十六

哀苑中謚曰昭節

周貴妃開封人生四歲從其姑入宮張貴妃育為女稍長遂得侍仁宗生兩公主帝崩妃日一疏食屏慶一室誦佛書困則假寐覺則復誦晝夜不解衣者四十年公主下嫁錢景臻郭獻卿連進至賢妃徽宗立加貴妃歷五朝勤約一致啓壽藏於周氏塋南傍建僧屋費緡錢六萬皆貯儲奉賜郭公主先亡詔許出外第與親戚相往來年九十三薨謚昭淑楊德妃定陶人天聖中以章獻太后姻連選為御侍封原武郡君進美人端麗機敏妙音律組紉書藝一

過日如素習父忠為侍禁仁宗欲加獎擢辭曰外官當積勞以取貴今以恩澤徼倖恐啓左右詖謁之端帝悅命徙居肅儀殿贈其祖貴州刺史而官其叔弟五人積與郭后不相能后既廢妃亦遣出後復召為嬖好歷脩媵儀熙寧五年薨年五十四贈德妃馮賢妃東平人曾祖炳知雜御史祖起兵部侍郎妃以良家女九歲入宮及長得侍仁宗生邢魯國二公主封始平郡君帝將登其品秩力辭不拜養文林美人得幸神宗生二王而没王尚幼妃保育如己子累加才人嬖好脩容在禁掖幾六十年始終五朝動循禮度薨年七十七贈賢妃

宋史二百四十一

宋史列傳卷第一

十九

馮德

加

英宗宣仁聖烈高皇后亳州蒙城人曾祖瓊祖繼勳皆有勲王室至節度使母曹氏慈聖先獻妃姊也故后少鞠宮中時英宗亦在帝所與后年同仁宗謂慈聖異日必以為配既長遂成昏濮即生神宗皇帝岐王顥嘉王顥壽康公主治平二年冊為皇后后弟殿內崇班士林供奉文帝欲遷其官后謝曰士林獲升朝藉分量已過豈宜援先后家比辭之神宗立尊為皇太后居寶慈宮帝累欲為高氏營大第后不許久之但斥望春門外隙地以賜凡營繕百役費悉出賈

慈不調大農一錢元豐八年帝不豫漫劇宰執王珪等入問疾乞立延安郡王為皇太子太后權同聽政帝頷之珪等見太后簾下后泣撫王曰兒孝順自官家服藥未嘗去左右書佛經以祈福喜學書已誦論語七卷絕不好弄乃令王出簾外見珪等珪等再拜謝且賀是日降制立為皇太子初岐嘉二王日問起居至是令母輒入又陰敕中人梁惟簡使其妻製十歲兒一黃袍懷以來蓋密為踐阼倉卒備也哲宗嗣位尊為太皇太后驛召司馬光呂公著未至迎問今日設施所宜先未及條上已散遣脩京城役夫減皇城規卒止禁庭工技廢導洛司出近侍尤亡狀者戒中外毋苛斂寬民間保戶馬事由中旨王珪等弗預知又起文彥博於既老遣使勞諸途諭以復祖宗法度為先務且令亟疏可用者從父遵裕坐西征失律抵罪荼確欲獻諛以固位乞復其官后曰遵裕靈武之役塗炭百萬先帝中夜得報起環榻行徹旦不能寐聖情自是驚悸馴致大故禍由遵裕得免刑誅幸矣先帝肉未冷吾何敢顧私恩而違天下公議確悻悻而止光公著至並命為相使同心輔政一時知名士彙進於廷凡熙寧以來政事弗便者次第罷之於

宋史二百四十二

宋史列傳卷第一

二十一

馮德

加

是以常平舊式改青苗以嘉祐差役參募役除市易之法遣茶鹽之禁舉邊岩不毛之地以賜西戎而宇內復安契丹主戒其臣下復勿生事於疆場曰南朝盡行仁宗之政矣蔡確坐車蓋亭詩誦嶺表后謂大臣曰元豐之末吾以今皇帝所書佛經出示人是時惟王珪曾奏賀遂定儲極且以子繼父有何間言而確自謂有定策大功妄翦事端規為異時眩惑地吾不忍明言姑託訕上為名逐之耳此宗社大計姦邪怨謗所不暇恤也廷試舉人有司請循天聖故事帝后皆御殿后止之又請受冊寶於文德后曰母后當

宋史列傳卷第一 二十一 陳 德 官

抑絕外家私恩文思院奉上之物無問巨細終身不取其一人以為文中堯舜元祐八年九月屬疾崩年六十二後二年章惇蔡卞邢恕始造為不報之謗皇太后太妃力辨其誣事乃已語在惇傳至高宗時昭暴惇下怨罪褒錄后家贈曹夫人為魏魯國夫人弟士遜士林及公繪公紀皆追王擢從孫世則節度使他受恩者又十餘人云

宋史列傳卷第一 二十一 陳 德 官

列傳卷第二

宋史二百四十三

開禧皇后楊淑妃 前書者丞相梅淵吳越 建書者魏脫等奉

右妃下

神宗欽聖獻肅向皇后

欽成朱皇后

欽慈陳皇后

林賢妃

武賢妃

哲宗昭慈孟皇后

昭懷劉皇后

徽宗顯恭王皇后

王貴妃

章賢妃

喬貴妃

劉貴妃

欽宗朱皇后

高宗憲節邢皇后

憲聖慈烈吳皇后

潘賢妃

劉貴妃

張賢妃

張貴妃

孝宗成穆郭皇后

成恭夏皇后

成肅謝皇后

蔡貴妃

李賢妃

光宗慈懿李皇后

黃貴妃

寧宗恭淑韓皇后

恭聖仁烈楊皇后

理宗謝皇后

度宗全皇后

楊淑妃

神宗欽聖憲肅向皇后河內人故宰相敏中曾孫也

治平三年歸于穎邸封安國夫人神宗即位立為皇

后帝不豫后贊宣仁后定建儲之議哲宗立尊為皇

太后宣仁命葺慶壽故宮以居后后辭曰安有姑居

西而婦處東瀆上下之分不敢從遂以慶壽後殿為

隆祐宮居之帝將卜后及諸王納婦后教向族勿以

女真選中族黨有欲援例以恩換閣職及為選人求

京秩者且言有特旨后曰吾族未省用此例何庸以

私情撓公法一不與帝會卒晏駕獨決策迎端王章

惇異議不能沮徽宗立請權同慶分軍國事后又長

君辭帝位拜移時乃聽凡紹聖元符以還惇所斥逐

賢大夫士稍稍收用之故事有如御正殿避家諱立

誕節之類皆不用至聞賓召故老寬程息兵愛民崇

儉之舉則喜見于色纔六月即還政明年正月崩年

五十六帝追念不已乃數加恩兩舅宗良宗回皆位

開府儀同三司封郡王而自敏中以上三世亦追列

王爵非常典也

宋史二百四十三 宋史列傳卷二

宋史二百四十三 宋史列傳卷二

欽成朱皇后開封人父崔傑早世母李更嫁朱士安
右鞠於所親任氏熙寧初入宮為御侍進才人婕妤
生哲宗及蔡王以徐國公主累進德妃哲宗即位尊
為皇太妃時宣仁欽聖二太后皆居尊故稱號未極
元祐三年宣仁詔春秋之義母以子貴其尋繹故實
務致優隆於是與蓋仗衛冠服悉侔皇后紹聖中欽
聖復命即閣建殿改乘車為輿出入由宣德東門百
官上殿稱殿下名所居為聖瑞宮贈崔任朱三父皆
至師保徽宗立奉禮尤謹崇寧元年二月薨年五十
一追冊為皇太后尊謚陪葬永裕陵

宋史列傳卷二 三 賜 惠 寧 宮 四 百 一 十 四 個

欽慈陳皇后開封人幼穎悟莊重選入掖庭為御侍
生徽宗進美入帝崩守陵殿思顧舊恩毀瘠骨立左
右進粥藥揮使去曰得早侍先帝願足矣未幾薨年
三十二建中靖國元年追冊為皇太后上尊謚陪葬
永裕陵

林賢妃南劍人三司使特之孫司農卿洙之女幼選
入宮既長遂得幸封永嘉郡君升美人生燕王俱越
王偲邢國公主進婕妤元祐五年薨詔用一品禮葬
贈貴儀又贈賢妃

武賢妃始以選入宮元豐五年進才人生吳王必賢

和公主歷美人婕妤徽宗即位進昭儀賢妃大觀元
年薨乘輿臨奠輟朝三日謚曰惠穆

哲宗昭慈聖獻孟皇后洺州人眉州防禦使馬軍都
虞候贈太尉元之孫女也初哲宗既長宣仁高太后
歷選世家女百餘入宮后年十六宣仁及欽聖向太
右皆愛之教以女儀元祐七年諭宰執孟氏子能執
婦禮宜正位中官命學士草制又以近世禮儀簡畧
詔翰林臺諫給舍與禮官議冊后六禮以進至是命
尚書左僕射呂大防攝太尉充奉迎使同知樞密院
韓忠彥攝司徒副之尚書左丞蘇頌攝太尉充發策

宋史列傳卷二 四 賜 惠 寧 宮 四 百 一 十 四 個

使僉書樞密院事王巖叟攝司徒副之尚書右丞蘇
轍攝太尉充告期使皇叔祖同知大宗正事宗景攝
宗正卿副之皇伯祖判大宗正事高密郡王宗晟攝
太尉充納成使翰林學士范百禄攝宗正卿副之吏
部尚書王存攝太尉充納吉使權戶部尚書劉奉世
攝宗正卿副之翰林學士梁燾攝太尉充納米問各
使御史中丞鄭雍攝宗正卿副之帝親御文德殿冊

為皇后宣仁太后語帝曰得賢內助非細事也進后
父閣門祗候在為崇儀使榮州刺史母王氏華原郡
君久之劉婕妤有寵紹聖三年右朝景靈宮訖事就

坐諸嬪御立侍劉獨背立簾下后閣中陳迎兒呵之不顧閣中皆忿冬至日會朝欽聖太后於隆祐宮后御坐朱髹金飾宮中之制惟后得之婕妤在他坐有愠色從者為易坐製與后等衆弗能平因傳唱曰皇太后出后起立劉亦起尋各復其所或已撤婕妤坐遂仆于地對不復朝泣訴于帝内侍郝隨謂婕妤曰毋以此戚戚願為大家早生子此坐正當為婕妤有也会后女福慶公主疾后有姊頗知醫嘗已后危疾以故出入禁掖公主藥弗效持道家治病符水入治后驚曰姊寧知宮中禁嚴與外間異邪令左右藏之

宋史二百四十三

宋史列傳卷二

五

王儲 高后

俟帝至具言其故帝曰此人之常情耳后即執符於帝前宮禁相傳厭魅之端作矣未幾后養母聽宣夫人燕氏尼法端與供奉官王堅為后禱祠事聞詔入内押班梁從政管當御藥院蘇珪即皇城司鞠之捕逮宦者官妾幾三十人榜掠備至肢體毀折至有斷舌者獄成命侍御史董敦逸覆錄罪人過庭下氣息僅屬無一人能出聲者敦逸秉筆疑未下郝隨等以言脅之敦逸畏禍及己乃以奏牘上詔廢后出居理華宮號華陽教主王清妙靜仙師法名冲真初章惇誣宣仁后有廢立計以后逮事宣仁惇又陰附劉賢

妃欲請建為后遂與郝隨構成是獄天下寃之敦逸奏言中宮之廢事有所因情有可察詔下之日天為之陰翳是天不欲廢后也人為之流涕是人不欲廢后也且言嘗覆錄獄事恐得罪天下後世帝曰敦逸不可更在言路曾布曰陛下本以皇城獄出於近習推治故命敦逸錄問今乃貶錄問官何以取信中外乃止帝久亦悔之曰章惇誤我元符末欽聖太后將復后位適有布衣上書以后為言者即命以官於是詔后還内號元祐皇后時劉號元符皇后故也崇寧初郝隨諷蔡京再廢后昌州判官馮辨上書言后不

宋史二百四十三

宋史列傳卷二

六

王儲 高后

得復臺臣錢遜石豫左膺等連章論韓忠彥等信一布衣狂言復已廢之后以掠虛美望斷以大義蔡京與執政許將溫益趙挺之張商英皆主其說徽宗從之詔依紹聖詔旨復居理華宮加賜希微元通知和妙靜仙師靖康初瑤華宮火徙居延寧宮又火出居相國寺前之私第金人圍汴欽宗與近臣議再復后尊為元祐太后詔未下而京城陷時六宮有位號者皆北遷后以廢獨存張邦昌僭位尊后為宋太后迎居延福宮受百官朝胡舜陟馬伸又言政事當取后旨邦昌乃復上尊號元祐皇后迎入禁中垂簾聽政

后聞康王在濟違尚書左右丞馮祥李西及兄子忠厚持書奉迎命副都指揮使郭仲荀將所部扈衛又命御營前軍統制張俊逆于道尋降手書播告天下王至南京后遣宗室士儀及內侍邵成章奉圭寶乘輿服御迎王即皇帝位政元后以是日撤簾尊后為元祐太后尚書省言元字犯后祖名請易以所居宮名遂稱隆祐太右上將幸揚州命仲荀衛太后先行駐揚州州治會張浚請先定六官所居地遂詔忠厚奉太后幸杭州以苗傅為扈從統制踰年傅與劉正彥作亂請太后聽政又請立皇子太后諭之曰自蔡京王黼更祖宗法童貫起邊事致國家禍亂今皇帝無失德止為黃潛善汪伯彥所誤皆已逐矣傅等言必立皇太子太后曰今強敵在外我以婦人抱三歲小兒聽政將何以令天下傅等泣請太后力拒之帝聞事急詔禪位元子太后垂簾聽政朱勝非請令臣僚得獨對論機事仍日引傅黨一人上殿以釋其疑太后從之每見傅等曲加慰撫傅等皆喜韓世忠妻梁氏在傅軍中勝非以計脫之太后召見勉令世忠速來以清嚴陞梁氏馳入世忠軍諭太后意世忠等遂引兵至迎黨懼朱勝非等誘以復辟命王世修草

狀進呈太后喜曰吾責塞矣再以手札趣帝還官即欲撤簾帝令勝非請太后一出御殿乃命撤簾是日上皇太后尊號太后聞張浚忠義欲一見之帝為召浚至禁中承議郎馮楸嘗貽書苗傅勸復辟上未之知太后白其事楸得遷秩帝幸建寧命僉書樞密院事鄭穀衛太后繼發比至帝率群臣迎于郊會防秋迫命劉寧止制置江浙衛太后往洪州百司非預軍事者悉從仍命滕康劉珪權知三省樞密院事從行凡四方奏讞吏部差注舉辟功賞之類皆隸焉復命四廂都指揮使楊惟忠將兵萬人衛從帝慮敵入來侵密諭康珪緩急取太后旨便宜以行過落星寺舟覆官人溺死者十數惟太后舟無虞既至洪州議者言金人自斬黃渡江陸行二百餘里即到洪州帝憂之命劉光世屯江州光世不為備金人遂自大冶縣徑趣洪州康珪奉太后行次吉州金人追急太后乘舟夜行質明至太和縣舟人景信反楊惟忠兵潰失官人一百六十康珪俱遁兵衛不滿百遂往虔州太后及潘妃以農夫肩輿而行帝慮太后徑入閩廣遣使歷詢后所在及知在虔州遂命中書舍人李正民來朝謁時虔州府庫皆空衛軍所給惟得沙錢市買